

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

OBRADIVAČ: SLUŽBA ZA FINANSIJE

PRIJEDLOG

O D L U K A

**O IZVRŠAVANJU BUDŽETA GRADA ZENICA
ZA 2026. GODINU**

Zenica, decembar 2025. godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

Na osnovu člana 7. Zakona o budžetima u Federaciji Bosne i Hercegovine ("Službene novine Federacije Bosne i Hercegovine" broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25), a u vezi sa članom 13. i 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine" broj: 49/06 i 51/09) i članom 21. stav 1. tačka 3. i člana 116. stav 2. Statuta Grada Zenica ("Službene novine Grada Zenica", broj: 5/15), Gradsko vijeće Zenica, na ____ sjednici održanoj dana _____ godine, donosi

ODLUKU

o izvršavanju Budžeta Grada Zenica za 2026. godinu

I OPĆE ODREDBE

Član 1. **(Predmet)**

Ovom Odlukom uređuje se struktura prihoda i primitaka, te rashoda i izdataka Budžeta Grada Zenica za 2026. godinu (u daljem tekstu: Budžet), njegovo izvršavanje, prioriteti plaćanja i upravljanje dugom, obim zaduživanja i garancija, prava i obaveze budžetskih korisnika, ovlaštenja Gradonačelnika u izvršavanju Budžeta za tekuću godinu, kao i druga pitanja u izvršavanju Budžeta.

Član 2. **(Pojam)**

Budžet je procjena godišnjih prihoda i primitaka, te utvrđenih iznosa rashoda i izdataka Grada.

Budžet se odnosi na fiskalnu 2026. godinu, koja počinje 01. januara, a završava 31. decembra 2026. godine.

Član 3. **(Uplata prihoda)**

Svi javni prihodi i primici Budžeta, uključujući i prihode koje budžetski korisnici ostvaruju obavljanjem osnovne djelatnosti po posebnim propisima, uplaćuju se na račun Grada Zenica - depozitni račun, koji je sastavni dio Jedinog računa trezora (u daljem tekstu: JRT), i iskazuju se po izvorima iz kojih potiču.

Član 4.
(Objavljivanje)

U cilju obezbjeđenja transparentnosti, Budžet prikazuje, po budžetskim korisnicima, analitički sve rashode i izdatke po kontnom planu, a javnost će biti informisana objavljivanjem usvojenog Budžeta u "Službenim novinama Grada Zenica" i na web stranici Grada Zenica.

II STRUKTURA PRIHODA I PRIMITAKA, RASHODA I IZDATAKA

Član 5.
(Struktura budžeta)

Budžet se sastoji od općeg i posebnog dijela i kapitalnog budžeta.

Opći dio Budžeta sastoji se od Računa prihoda i rashoda, Računa kapitalnih primitaka i izdataka i Računa finansiranja, a poseban dio sadrži detaljan raspored rashoda i izdataka budžetskih korisnika. Kapitalni budžet sadrži pregled kapitalnih investicija po izvorima finansiranja.

Član 6.

Račun prihoda i rashoda Budžeta sastoji se od:

1) Prihoda

- poreza koji su utvrđeni Zakonom,
- neporeznih prihoda kao što su:
 - prihodi od preduzetništva i imovine,
 - administrativne i sudske naknade i takse i novčane kazne,
 - prihoda ostvarenih obavljanjem osnovne djelatnosti i ostalih poslova budžetskih korisnika,
 - primljenih transfera i donacija i
 - ostalih prihoda.

2) Rashoda

- za zaposlene, kao što su tekući izdaci za plaće i naknade,
- izdaci za materijal i usluge,
- tekući transferi, plaćanje kamata i dospjelih rata po kreditima,
- za subvencije, pomoći i naknade,
- kapitalni transferi.

U Računu kapitalnih primitaka i izdataka iskazuju se primici od nefinansijske imovine i izdaci za nefinansijsku imovinu.

U Računu finansiranja iskazuju se primici od finansijske imovine, primljeni krediti i zajmovi, te izdaci za finansijsku imovinu i otplatu kredita i zajmova.

Član 7.
(Budžetsko računovodstvo)

Budžetsko računovodstvo se zasniva na računovodstvenim načelima: tačnosti, istinitosti, pouzdanosti, sveobuhvatnosti, pravovremenosti i pojedinačnom iskazivanju poslovnih događaja, te na međunarodnim računovodstvenim standardima za javni sektor.

Budžetsko računovodstvo se vodi po načelu dvojnog knjigovodstva i po kontima Analitičkog kontnog plana za budžet i budžetske korisnike u Federaciji BiH.

Član 8.

Priznavanje prihoda i primitaka, te rashoda i izdataka putem sistema Glavne knjige provodi se po načelu modificiranog nastanka događaja.

Prihodi se priznaju u onom periodu kada su mjerljivi i raspoloživi, to jest kada su uplaćeni na JRT.

Rashodi se priznaju u trenutku nastanka obaveze.

III IZVRŠAVANJE BUDŽETA

Član 9.
(Odgovornost budžetskih korisnika)

Budžetski korisnici odgovorni su za potpunu i blagovremenu naplatu prihoda i primitaka iz svoje nadležnosti, za njihovu uplatu u budžet i za izvršavanje svih rashoda i izdataka u skladu sa namjenama.

Budžetski korisnik je dužan provesti sve zakonom propisane radnje u cilju naplate potraživanja po osnovu ugovora ili bilo kojeg drugog potraživanja po osnovu javnih prihoda.

Član 10.

Sredstva Budžeta osiguravaju se budžetskim korisnicima koji su u Posebnom dijelu Budžeta određeni kao nosioci sredstava po pojedinim pozicijama.

Budžetski korisnici odgovorni su za zakonito, namjensko, efikasno i ekonomično raspolaganje budžetskim sredstvima.

Za nenamjensko korištenje sredstava, kao i za korištenje sredstava iznad iznosa planom odobrenog za budžetskog korisnika, odgovoran je rukovodilac tog budžetskog korisnika.

Član 11.

Sredstva budžeta koriste se za finansiranje poslova, funkcija i programa gradskih službi za upravu i posebnih službi (u daljem tekstu: budžetski korisnici).

Gradske službe koje u svom budžetskom razdjelu sadrže potrošačke jedinice, budžetski su za njih nadležne.

Član 12.

Rukovodilac budžetskog korisnika dužan je u 2026. godini, za prethodnu 2025. budžetsku godinu, a za period u kojem je obavljao poslove rukovodioca, popuniti izjavu o fiskalnoj odgovornosti.

Član 13.

(Korištenje odobrenih sredstava)

Budžetski korisnici odobrena sredstva mogu koristiti samo za namjene koje su određene Budžetom, a u skladu sa svojim godišnjim finansijskim planom i po dinamici utvrđenoj mjesečnim planovima, koje odobrava rukovodilac Službe za finansije na temelju plana novčanih tokova putem kojih se projiciraju sve uplate i isplate sa JRT.

Rukovodilac budžetskog korisnika odgovoran je za:

1. zakonito i namjensko korištenje sredstava i
2. efikasno i uspješno funkcionisanje sistema finansijskog upravljanja i kontrolu u okviru budžetom utvrđenih sredstava.

Član 14.

Ukoliko se naknadno utvrdi da je isplata iz budžeta izvršena nezakonito i/ili nenamjenski, budžetski korisnik je dužan odmah zahtijevati povrat budžetskih sredstava na Jedinstveni račun trezora.

Član 15.

(Operativni planovi)

Na osnovu alokacije budžetskih sredstava i instrukcije Službe za finansije, budžetski korisnici pripremaju i podnose prijedloge operativnih planova Službi za finansije.

Budžetski korisnici moraju, pri izradi operativnih planova, slijediti instrukcije dostavljene od strane Službe za finansije o izradi istih.

Član 16.

Budžetski korisnici pripremaju i podnose mjesečne prijedloge operativnih planova Službi za finansije za izvršavanje usvojenog budžeta, najkasnije pet (5) radnih dana prije početka mjeseca za koji se donosi operativni plan.

Član 17.

Budžetski korisnici ne smiju stvarati obaveze iznad iznosa operativnog budžeta odobrenog putem operativnih planova za tog budžetskog korisnika.

Član 18.
(Izvršavanje budžeta po prioritetima)

Budžet se izvršava u skladu sa njegovim likvidnim mogućnostima po sljedećim prioritetima:

1. obaveze po osnovu duga Grada,
2. porez na dodanu vrijednost i drugi porezi po posebnim propisima,
3. transferi za jednokratne pomoći u oblasti socijalne i boračko-invalidske zaštite,
4. materijalni i drugi troškovi neophodni za rad budžetskih korisnika,
5. plaće i naknade troškova zaposlenih,
6. naknade za rad u Gradskom vijeću i radnim tijelima Gradskog vijeća,
7. tekući transferi i izdaci za komunalnu infrastrukturu,
8. kapitalni izdaci i
9. ostalo.

Član 19.
(Realizacija doznačenih transfera)

Primljeni transferi od viših nivoa vlasti – namjenske doznake (Država, Federacija i Kanton) i ostali primljeni transferi, koristit će se za namjene za koje su i odobreni, a u skladu sa Odlukom, zaključcima, kao i drugim aktima na osnovu kojih su sredstva doznačena na depozitni račun Grada Zenica.

Doznake koje nisu planirane u Budžetu Grada, a ostvare se u toku godine, koristit će se u skladu sa namjenama za koje budu doznačene, a realizacija tih sredstava će se vršiti u skladu sa zaključkom Gradonačelnika, na prijedlog resornog budžetskog korisnika.

Zaključak Gradonačelnika o uvećanju sredstava Budžeta priprema resorni budžetski korisnik na čijem organizacionom kodu se vrši uvećanje sredstava.

Daje se saglasnost Gradonačelniku da može izvršiti povećanje na prihodovnoj i rashodovnoj strani Budžeta Grada za iznos doznačenih sredstava iz stava 2. ovog člana.

Član 20.

Ako su namjenski prihodi i primici uplaćeni u iznosu manjem od planiranog u budžetu, korisnik može preuzeti i plaćati obaveze samo u visini stvarno uplaćenih, odnosno raspoloživih sredstava.

Namjenski prihodi koji nisu iskorišteni u prethodnoj godini prenose se u budžet za tekuću budžetsku godinu.

Uplaćene i/ili prenesene pomoći, donacije, namjenski prihodi, transferi za posebne namjene između korisnika javnih sredstava, kao i kreditna sredstva koja su doznačena na Jedinstveni račun trezora, mogu se izvršavati do visine uplaćenih, odnosno prenesenih sredstava, po zaključcima Gradonačelnika, a na prijedlog resornog budžetskog korisnika.

Član 21.

Korisnici doznačenih transfera dužni su nadležnom budžetskom korisniku dostaviti izvještaj o namjenskom utrošku sredstava.

U slučaju da korisnici iz stava 1. ovog člana ne dostave izvještaj o namjenskom utrošku sredstava, isti neće imati pravo aplicirati za dodjelu sredstava u narednoj fiskalnoj godini.

Član 22. (Nabavka roba, radova i usluga)

Budžetski korisnici koji vrše nabavku roba, radova i usluga obavezni su se pridržavati odredaba Zakona o javnim nabavkama BiH ("Službeni glasnik BiH" broj: 39/14, 59/22 i 50/24), kao i odredaba Pravilnika o javnim nabavkama ("Službene novine Grada Zenica", broj 1/24) i Pravilnika o postupku direktnog sporazuma, broj: 02-49-5282/17 od 05.05.2017. godine.

Član 23. (Sredstva tekuće rezerve)

Sredstva tekuće rezerve planirana u Budžetu koriste se za nepredviđene namjene za koje u Budžetu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva, jer ih pri planiranju Budžeta nije bilo moguće predvidjeti.

Budžetsko izdvajanje za tekuću rezervu ne smije preći 3% planiranih prihoda, bez namjenskih prihoda, vlastitih prihoda i bez primitaka.

U tekuću budžetsku rezervu u 2026. godini izdvojiti će se 350.000,00 KM ili 0,40% planiranih prihoda, bez namjenskih prihoda, vlastitih prihoda i bez primitaka.

O korištenju sredstava tekuće rezerve odlučuje Gradonačelnik na prijedlog resorne službe i Službe za finansije.

Zaključak Gradonačelnika o odobravanju tekuće rezerve priprema Služba za finansije, a realizaciju istog provodi budžetski korisnik iz čije je nadležnosti rashod odobren tim zaključkom.

Služba za finansije obavezna je tromjesečno izvještavati Gradonačelnika o korištenju sredstava tekuće rezerve.

Gradonačelnik izvještava Gradsko vijeće o korištenju sredstava tekuće rezerve iz stava 1. ovog člana, uz izvještaj o izvršenju budžeta (polugodišnje i godišnje).

Član 24.

Ako se u toku fiskalne godine, na osnovu zakona ili drugog propisa poveća nadležnost korisnika, što zahtjeva povećana sredstva, ili se osnuje novi korisnik, sredstva za njegove izdatke obezbjeđuju se iz tekuće rezerve budžeta, a odobrava ih Gradonačelnik.

Ako se u toku godine na osnovu propisa smanji nadležnost budžetskog korisnika, zbog čega se smanjuju i sredstva ili ako se ukine budžetski korisnik, neutrošena sredstva za njegove rashode i izdatke prenose se u tekuću rezervu ili budžetskom korisniku koji preuzima njegove poslove o čemu odluku donosi Gradonačelnik.

Ukoliko se u toku fiskalne godine prenesu određene nadležnosti budžetskog korisnika ili sam budžetski korisnik prestane postojati, Gradonačelnik je dužan formirati komisiju za popis imovine, obaveza i potraživanja.

Član 25.
(Preraspodjela sredstava)

Gradonačelnik može na prijedlog budžetskog korisnika, uz saglasnost Službe za finansije, donijeti zaključak o preraspodjeli sredstava najviše do 10% ukupno odobrenih rashoda i izdataka za tog budžetskog korisnika, bez namjenskih transfera doznačenih od ostalih nivoa vlasti.

Izuzetno, u okviru odobrenog budžeta preraspodjela sredstava je dozvoljena između budžetskih korisnika o čemu odlučuje Gradonačelnik na prijedlog Službe za finansije i resornih budžetskih korisnika.

Budžetska sredstva se mogu, u smislu stava 1. i 2. ovog člana, preraspodjeliti samo u okviru odobrenih izdataka iz prihoda i primitaka, i to na sljedeće načine:

1. između budžetskih pozicija iskazanih na kontima klase 6 - Rashodi, u okviru posebnog dijela Budžeta i
2. između budžetskih pozicija iskazanih na kontima glavne kategorije 82 - Kapitalni izdaci, u okviru posebnih namjena posebnog dijela Budžeta, izuzev otplate dugova.

Član 26.
(Povrat javnih prihoda)

Pogrešno ili više uplaćeni javni prihodi, vraćaju se uplatiocima u skladu sa odredbama Pravilnika o načinu uplate, pripadnosti i raspodjele javnih prihoda u Federaciji BiH ("Službene novine FBiH", broj 54/20, 55/20-isp, 63/20, 88/20, 28/21, 56/21, 83/21, 1/22, 34/22, 57/22, 76/22, 93/22, 94/22, 10/23, 37/23, 81/23, 23/24, 36/24, 57/24, 80/24, 99/24, 29/25, 46/25 i 74/25), kao i Pravilnika o procedurama za povrat i preknjiženje više ili pogrešno uplaćenih javnih prihoda sa Jedinogstvenog računa trezora Grada Zenica, broj: 02-14-20342/17 od 24.11.2017. godine.

Rješenje o tome donosi Služba za finansije Grada Zenica, a po prijedlogu resorne službe ili drugog nadležnog organa.

Član 27.
(Obavljanje platnih transakcija)

Služba za finansije vrši plaćanja u ime svih budžetskih korisnika putem JRT. Budžet se izvršava u skladu sa prilivom sredstava na JRT.

Služba za finansije izvršava plaćanje obaveza - izdataka u skladu sa raspoloživim sredstvima, a na osnovu vjerodostojne knjigovodstvene isprave dostavljene od strane resornog budžetskog korisnika, sa priloženom originalnom dokumentacijom po osnovu koje je nastala obaveza (ugovor, narudžba, faktura, program, zaključak, odluka i dr.), a kopija ili drugi primjerak dokumentacije ostaje kod nadležnih budžetskih korisnika.

Odgovorno lice budžetskog korisnika prije potpisivanja knjigovodstvene isprave mora provjeriti pravni osnov i visinu obaveze koja iz nje proizlazi.

Član 28.
(Jedinstveni račun trezora)

Obavljanje platnih transakcija vrši se preko transakcijskih računa, koji su sastavni dio JRT. JRT može imati više podračuna.

Potpisnici naloga platnih transakcija putem računa koji su u sastavu JRT su lica koja Gradonačelnik odredi zaključkom.

Sa JRT se ne može isplatiti nijedan izdatak ukoliko nije odobren Budžetom.

Član 29.
(Obaveze budžetskih korisnika)

Za svako korištenje sredstava Budžeta, budžetski korisnici dužni su u svojim aktima navesti broj i naziv budžetske organizacije / potrošačke jedinice Budžeta, kao i odgovarajući ekonomski kod i naziv budžetske pozicije.

Član 30.

Budžetski korisnici, a u okviru svojih nadležnosti, dužni su voditi evidencije obaveznih pomoćnih knjiga, i to: knjiga ulaznih faktura, knjiga izlaznih faktura, knjiga skladišta, knjiga inventara, knjiga kapitalne imovine, knjiga blagajne, registar plaća i duga.

Član 31.

Rukovodioci budžetskih korisnika odgovorni su za računovodstvo, internu kontrolu i nadzor svojih potrošačkih jedinica, odnosno organa i tijela koja spadaju u njihovu nadležnost.

Nadzor i reviziju nad korištenjem budžetskih sredstava od strane budžetskih korisnika, kao i javnih preduzeća i javnih ustanova čiji je osnivač Grad, obavlja Služba interne revizije.

Član 32.
(Sredstva za plaće i naknade troškova zaposlenih)

Sredstva na pozicijama bruto plaća i naknada plaća, te naknada troškova zaposlenih osiguravaju se budžetskim korisnicima na osnovu Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj: 45/10, 111/12 i 20/17), Odluke o plaćama i naknadama plaća zaposlenika gradskih organa Zenica ("Službene novine Grada Zenica", broj 3/17, 4/18 i 1/21) i Pravilnika o plaćama, dodacima na plaću i naknadama zaposlenika u organima Grada Zenica, broj: 02-45-7549/21 od 21.04.2021. godine i broj: 02-30-18361/23 od 29.08.2023. godine.

Osnovica i bod za obračun plaća utvrđeni su Sporazumom postignutim između Gradonačelnika i predsjednice Sindikalne organizacije državnih službenika i namještenika Grada Zenica, broj: 02-45-23886/25 od 27.11.2025. godine, u kojem osnovica za obračun plaće iznosi 480,00 KM, a bod je 1,2500.

Osnovica za obračun plaće i bod za obračun plaće iz prethodnog stava primjenjivat će se za fiskalnu 2026. godinu.

Isplata bruto plaća i naknada, te naknada korisnicima prava iz drugih zakona, na osnovu utvrđene osnovice može se vršiti samo do visine planiranih sredstava u Budžetu za te namjene.

Visinu toplog obroka i visinu regresa, za sve budžetske korisnike, utvrđuje Gradonačelnik na prijedlog Službe za finansije, a u skladu sa važećim zakonskim propisima.

Visina dnevnica za službena putovanja i naknada za putne i druge troškove koji nastanu u vezi sa službenim putovanjem, utvrđuju se na osnovu Uredbe o naknadama troškova za službena putovanja ("Službene novine Federacije BiH" broj: 44/16, 50/16 i 31/23) i Pravilnika o plaćama, dodacima na plaću i naknadama zaposlenika u organima Grada Zenica.

Član 33.

(Korištenje sredstava na razdjelu 51)

Realizacija sredstava utvrđenih na organizacionom kodu 51010001 - Gradonačelnik, ekonomski kod 614800, pozicija "Prisilno izvršenje pravosnažnih sudskih rješenja koje realizuje banka", vršit će se prema redoslijedu izvršavanja, a u skladu sa odredbama Zakona o izvršnom postupku ("Službene novine FBiH", broj 32/03, 52/03, 33/06, 39/06, 39/09, 35/12, 46/16 i 19/25).

Član 34.

(Korištenje sredstava na razdjelu 53)

Sredstva utvrđena na organizacionom kodu 53010001 - Stručna služba Gradskog vijeća i Gradonačelnika, ekonomski kod 613900, pozicija "Ugovorene i druge posebne usluge (naknada vijećnicima, članovima radnih tijela Gradskog vijeća i naknada za rad komisija koje imenuje Gradsko vijeće i dr.)", obračunat će se i doznačiti vijećnicima i članovima pojedinih komisija na osnovu Odluke o naknadama vijećnicima i članovima stalnih radnih tijela Gradskog vijeća Zenica, broj: 01-01-17364/07 od 19.06.2007. godine, Zaključka o utvrđivanju visine naknade vijećnika i članova radnih tijela u Gradskom vijeću Zenica, broj: 01-45-4934/25 od 03.02.2025. godine, te obračuna izvršenog od strane Stručne službe Gradskog vijeća i Gradonačelnika i Službe za finansije.

Sredstva utvrđena na ekonomskom kodu 613900, pozicija "Finansiranje rada gradske izborne komisije", koristit će se na osnovu zahtjeva Izborne komisije, a po nalogu Stručne službe Gradskog vijeća i Gradonačelnika i zaključka Gradonačelnika.

Sredstva utvrđena na ekonomskom kodu 614800, pozicija "Nagrade Grada Zenica" koristit će se na osnovu Odluke o dodjeli javnih priznanja Zenice, donesene od strane Gradskog vijeća Zenica, a po nalogu Stručne službe Gradskog vijeća i Gradonačelnika.

Član 35.

(Korištenje sredstava na razdjelu 55)

Sredstva utvrđena na organizacionom kodu 55010001 - Služba za urbanizam, ekonomski kod 613900 u grupi "Posebne namjene", koristit će se na osnovu zaključenih ugovora i ispostavljenih faktura za izvršene usluge.

Član 36.

(Korištenje sredstava na razdjelu 56)

Sredstva utvrđena na organizacionom kodu 56010001 - Služba za imovinsko-pravne, geodetske poslove i katastar nekretnina, ekonomski kod 821100, pozicija "Nabavka zemljišta i

drugih nekretnina (eksproprijacije)", koristit će se na osnovu kupoprodajnog ugovora, sporazuma zaključenog između Grada Zenica - Gradonačelnika i vlasnika nekretnine, te na osnovu odluka nadležnih sudova.

Član 37.

(Korištenje sredstava na razdjelu 57)

Sredstva utvrđena na organizacionom kodu 57010001 - Služba za finansije, ekonomski kod 614800, pozicija "Drugi tekući rashodi - povrat više ili pogrešno uplaćenih javnih prihoda iz prethodnog perioda", koristit će se u skladu sa članom 26. ove Odluke.

Član 38.

(Korištenje sredstava na razdjelu 58)

Sredstva utvrđena na organizacionom kodu 58010001 - Služba za privredu i gradsku imovinu, ekonomski kod 614500, pozicija "Transferi privatnim preduzećima i preduzetnicima (sufinansiranje projekata, finansiranje obrta i preduzetništva)" koriste se po provedenom javnom pozivu, a na osnovu zaključenih ugovora za dodjelu sredstava za podsticaj razvoja postojećih mikro, malih i srednjih preduzeća na području Grada Zenica, podsticaj za jačanje i razvoj ženskog preduzetništva, podsticaj za tradicionalne zanate kao i podrška za osnivanja Start up-a. Grad Zenica u saradnji sa Udruženjem poslodavaca Zenica, Privrednim savjetom i Zeničkom razvojnom agencijom ZEDA priprema "Program mjera za unapređenje privrede", a isti usvaja Gradsko vijeće.

Sredstva predviđena na ekonomskom kodu 614500, pozicija "Podsticaj poljoprivrednoj proizvodnji", koriste se po Programu mjera za unapređenje poljoprivrede, koji donosi Gradsko vijeće.

Sredstva predviđena na ekonomskom kodu 821600, pozicije "Rekonstrukcija i investiciono održavanje poslovnih prostora i društvenih domova", koristit će se na osnovu ugovora potpisanog između Gradonačelnika i izvođača radova, a po nalogu resorne službe i ovjerenim privremenim situacijama/fakturama.

Član 39.

(Korištenje sredstava na razdjelu 59)

Sredstva utvrđena na organizacionom kodu 59010001 - Služba za boračko-invalidsku i socijalnu zaštitu i stanovanje, ekonomski kod 613700, pozicija "Izdaci za tekuće održavanje socijalnog stambenog fonda", realizuju se u skladu sa odredbama Odluke o neprofitnom socijalnom stanovanju ("Službene novine Grada Zenica" broj: 5/15), a na osnovu Ugovora i ispostavljenih faktura.

Sredstva utvrđena na ekonomskim kodovima 614200 i 614300, pozicije u grupi "Tekući transferi i drugi tekući rashodi" koriste se po zaključcima Gradonačelnika, na prijedlog resorne Službe, a prema dostavljenim zahtjevima i provedenim javnim pozivima, kao i po zaključenim ugovorima.

Realizacija sredstava utvrđenih na ekonomskom kodu 615300 vršit će se na osnovu zaključaka Gradonačelnika i naloga resorne Službe.

Korisnici sredstava po osnovu doznačenih tekućih i kapitalnih transfera obavezni su po završetku projekta, izvijestiti nadležnu gradsku Službu o iskorištenim sredstvima i dostaviti izvještaj o utrošku istih.

Član 40.

Služba za boračko-invalidsku i socijalnu zaštitu i stanovanje, u čijoj je nadležnosti potrošačka jedinica JU Centar za socijalni rad Zenica, odgovorna je za kontrolu namjenskog korištenja sredstava Budžeta navedene potrošačke jedinice.

JU Centar za socijalni rad, kao niža potrošačka jedinica, zahtjev za isplatu sredstava iz Budžeta podnosi resornom budžetskom korisniku, koji nakon provedene kontrole dostavlja nalog za plaćanje sa pratećom dokumentacijom u Službu za finansije na realizaciju.

Realizacija sredstava predviđena na organizacionom kodu 59010002 - JU Centar za socijalni rad, vršit će se sa posebnog transakcijskog računa za JU Centar za socijalni rad, a koji je u okviru Jedinstvenog računa trezora Grada Zenica.

Član 41.

(Korištenje sredstava na razdjelu 60)

Sredstva utvrđena na organizacionom kodu 60010001 - Služba za civilnu zaštitu, u grupi Posebne namjene, na ekonomskom kodu 613700, pozicija "Izdaci za tekuće održavanje javnih skloništa sa neutrošenim sredstvima iz prethodne godine", koristit će se u skladu sa namjenama za koje su određene Zakonom o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije Bosne i Hercegovine" broj: 39/03, 22/06 i 43/10).

Sredstva utvrđena u grupi "Posebne namjene - Namjenska sredstva za zaštitu od požara od naknada za vatrogastvo", koristit će se u skladu sa namjenama za koje su i određene Zakonom o zaštiti od požara i vatrogastvu ("Službene novine FBiH", broj: 64/09 i 77/25), Zakonom o zaštiti od požara i vatrogastvu ("Službene novine ZDK", broj: 5/11) i Odlukom o visini naknade za vatrogastvo ("Službene novine općine Zenica", broj: 4/13 i 2/14 i "Službene novine Grada Zenica", broj: 2/15).

Sredstva utvrđena u grupi "Posebne namjene - Namjenska sredstva civilne zaštite po Zakonu o zaštiti i spašavanju ljudi i materijalnih dobara od prirodnih i drugih nesreća - 0,5%", koristit će se u skladu sa namjenama za koje su i određene Zakonom o zaštiti i spašavanju ljudi i materijalnih dobara od prirodnih i drugih nesreća i Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine FBiH", broj: 4/12, 80/13 i 20/20), kao i godišnjim Planom utroška sredstava za posebne namjene koji donosi štab CZ Grada Zenica.

Sredstva iz prethodnog stava ovog člana prikupljaju se na račun budžeta po osnovu odredaba Zakona o zaštiti i spašavanju ljudi i materijalnih dobara od prirodnih i drugih nesreća i prenose se na poseban račun "Grad Zenica - Poseban transakcijski račun za sredstva zaštite i spašavanja od prirodnih i drugih nesreća".

Član 42.
(Korištenje sredstava na razdjelu 61)

Sredstva predviđena na organizacionom kodu 61010001 - Služba za vodoprivredu, cestovnu infrastrukturu i kapitalne investicije, u grupi "Posebne namjene", na ekonomskim kodovima 613200, 613300, 613700 i 613900, budžetske pozicije "Utrošak električne energije za javnu rasvjetu", "Održavanje kišne kanalizacije", "Izdaci za tekuće održavanje (horizontalna i vertikalna saobraćajna signalizacija i dr.)", "Izdaci za tekuće održavanje vodovodne i kanalizacione mreže u MZ", "Izdaci za tekuće održavanje korita rijeka na području Grada Zenica", "Izdaci za tekuće održavanje (trgovi, stepeništa i dr.)", "Izdaci za tekuće održavanje (javna rasvjeta, rasvjeta na mostovima, javni satovi i dr.)", "Izrada projektne dokumentacije" i "Dekoracija grada" koristit će se u skladu sa zaključenim okvirnim sporazumima i ugovorima.

Sredstva predviđena na ekonomskom kodu 613300, budžetska pozicija "Zimska služba na lokalnim i nekategorisanim cestama", koristit će se u skladu sa Planom ulaganja u oblasti cestovne infrastrukture u 2026. godini.

Sredstva predviđena na ekonomskom kodu 613700, budžetska pozicija "Izdaci za redovno i vanredno održavanje cestovne infrastrukture", koristit će se u skladu sa Planom ulaganja u oblasti cestovne infrastrukture u 2026. godini.

Sredstva predviđena na ekonomskom kodu 613700, budžetska pozicija "Izdaci za tekuće održavanje cestovne infrastrukture u MZ Mošćanica (sredstva eko rente)", koristit će se u skladu sa Odlukom o visini izdvajanja i načinu utroška naknade na ime eko rente za potrebe Mjesne zajednice "Mošćanica", broj: 02-19-19375/23 od 12.09.2023. godine.

Sredstva predviđena na ekonomskom kodu 613900, budžetska pozicija "Troškovi nadzora na redovnom i vanrednom održavanju cestovne i vodoprivredne infrastrukture i druge usluge", koristit će se u skladu sa zaključenim ugovorima i okvirnim sporazumima, zatim ispostavljenim predračunima, računima, zaključcima i rješenjima.

Sredstva predviđena na ekonomskom kodu 613900, budžetska pozicija "Realizacija po kreditu KfW - projekat Vodosnabdijevanje i odvodnja otpadnih voda u BiH II" realizuju se u skladu sa Podugovorom o zajmu i projektu Program vodosnabdijevanja i otpadnih voda u Bosni i Hercegovini II za Grad Zenica, zaključenog između Federacije BiH koju zastupa Federalno ministarstvo finansija/finansija i Grada Zenica, broj: 02-14-19083/15 od 04.11.2015. godine.

Sredstva predviđena na ekonomskom kodu 615400, budžetska pozicija "Transfer JP Regionalni vodovod Plava voda d.o.o. Travnik za rate po kreditu - sredstva JP VIK", realizuju se u skladu sa Ugovorom o zajmu zaključenim između BiH i Evropske banke za obnovu i razvoj (EBRD) i BiH i Razvojne banke Vijeća Evrope (CEB) za projekat "Izgradnja regionalnog vodovoda Plava voda", zatim Ugovorom o isporuci vode zaključenim između Grada Zenica, JP "Vodovod i kanalizacija" d.o.o. Zenica i JP Regionalni vodovod "Plava voda" d.o.o. Travnik, a na osnovu instrukcija dostavljenih od strane JP Regionalni vodovod "Plava voda" d.o.o. Travnik.

Sredstva raspoređena iz akumulisanog suficita, predviđena na ekonomskom kodu 615400 - "Transfer JP VIK d.o.o. Zenica za izgradnju kolektora i postrojenja za prečišćavanje otpadnih voda (učesće Grada u sufinansiranju sa KfW)", koristit će se u skladu sa Posebnim ugovorom na Ugovor o finansiranju i projektu za KfW grant od 13.11.2017. godine, broj: 02-14-2378/18 od 17.10.2018. godine, zaključenim između JP "Vodovod i kanalizacija" d.o.o. Zenica i Grada Zenica.

Sredstva predviđena na ekonomskom kodu 615400, budžetska pozicija "Transfer JP Parking servis d.o.o. Zenica za unapređenje stacionarnog saobraćaja", koristit će se na osnovu zaključaka Gradonačelnika i naloga resorne Službe, a u skladu sa Odlukom o organizaciji i načinu naplate parkiranja na javnim parking površinama ("Službene novine Grada Zenica", broj: 7/24).

Sredstva predviđena na ekonomskom kodu 616100, budžetska pozicija "Kamate na pozajmice primljene kroz Državu - kredit od Saudijskog fonda za razvoj - GGM" i sredstva raspoređena iz akumulisanog suficita, predviđena na ekonomskom kodu 823100 - "Otplate dugova primljenih kroz Državu - kredit od Saudijskog fonda za razvoj, GGM", realizuju se u skladu sa Kreditnim sporazumom projekat glavne gradske magistrale u Zenici između Saudijskog fonda za razvoj i Bosne i Hercegovine - kredit broj: 3/539 ("Službeni glasnik BiH - Međunarodni ugovori" broj: 2/12) i instrukcijama Federalnog ministarstva finansija, a na osnovu Podugovora o kreditu, broj: 08-14-4260/11 od 10.02.2012. godine, zaključenog između Federacije BiH koju zastupa Federalno ministarstvo finansija/finansija i Grada Zenica.

Sredstva predviđena na ekonomskom kodu 821200, budžetska pozicija "Realizacija projekta izgradnje tunela ispod Crkvičkog brda" i sredstva raspoređena iz akumulisanog suficita, predviđena na ekonomskom kodu 821200 - "Realizacija projekta izgradnje tunela ispod Crkvičkog brda", koristit će se u skladu sa zaključenim ugovorom o izvođenju radova i drugim zaključenim ugovorima (pružanje usluga stručnog nadzora i dr.).

Sredstva predviđena na ekonomskom kodu 821600, budžetske pozicije "Regulacija Klopačkog potoka", "Rekonstrukcija Trga Alije Izetbegovića" i "Rekonstrukcija trgova u naseljima Meokušnice i Radakovo", koristit će se u skladu sa zaključenim ugovorima o izvođenju radova i drugim zaključenim ugovorima (pružanje usluga stručnog nadzora i dr.).

Sredstva predviđena na ekonomskom kodu 821600, budžetske pozicije "Rekonstrukcija i investiciona ulaganja u cestovnu infrastrukturu", "Rekonstrukcija i investiciona ulaganja u vodoprivrednu infrastrukturu" i "Rekonstrukcija i investiciona ulaganja (sufinansiranje realizacije projekata - javni pozivi i dr.)", koristit će se u skladu sa Planom ulaganja u oblasti cestovne infrastrukture u 2026. godini, odnosno Planom investicionih ulaganja u oblasti vodoprivrede u 2026. godini, te za realizaciju drugih projekata od značaja za Grad Zenicu.

Sredstva predviđena na ekonomskom kodu 821600, budžetska pozicija "Rekonstrukcija i investiciona ulaganja u vodoprivrednu infrastrukturu - kanton", koristit će se u skladu sa Sporazumom o zajedničkom učešću u realizaciji projekata iz Programa utroška sredstava vodnih naknada, koji se zaključuje između Ministarstva za poljoprivredu, šumarstvo i vodoprivredu Zeničko-dobojskog kantona i Grada Zenica, i ugovorima o prenosu sredstava.

Sredstva predviđena na ekonomskom kodu 821600, budžetska pozicija "Rekonstrukcija i investiciona ulaganja u vodoprivrednu infrastrukturu - sredstva JP Elektroprivreda BiH (neutrošena sredstva u prethodnoj godini)", koristit će se u skladu sa Ugovorom o realizaciji Programa prijateljskog okruženja radi realizacije Projekta izgradnje HE Janjići na rijeci Bosni, broj: 02-49-17040/19 od 15.08.2019. godine, i Aneksom br. 1, broj: 02-45-4433/21 od 05.03.2021. godine, zaključenim između JP "Elektroprivreda BiH" d.d. Sarajevo i Grada Zenica.

Sredstva predviđena na ekonomskom kodu 821600, budžetska pozicija "Sanacija i asfaltiranje lokalne ceste koja vodi do sportsko-rekreacionog turističkog područja Smetovi - kanton (neutrošena sredstva u prethodnoj godini)", koristit će se u skladu sa odlukom o odobravanju

sredstava za realizaciju kapitalnih projekata drugim nivoima vlasti iz oblasti cestovne infrastrukture Zeničko-dobojskog kantona za 2025. godinu, sa pozicije "Kapitalni transferi drugim nivoima vlasti", Budžeta Zeničko-dobojskog kantona za 2025. godinu, broj: 02-11-16419/25 od 04.09.2025. godine i Ugovorom o prenosu sredstava broj: 02-45-19166/25 od 22.09.2025. godine, zaključenim između Kantonalne direkcije za ceste Zeničko-dobojskog kantona (u sastavu Ministarstva za prostorno uređenje, promet i komunalne usluge i zaštitu okoline) i Grada Zenica.

Sredstva predviđena na ekonomskom kodu 821600, budžetska pozicija "Proširenje gradske vodovodne mreže na šire područje Josipovića puta u MZ Novo Radakovo - Federacija", koristit će se u skladu sa Odlukom o raspodjeli sredstava utvrđenih Budžetom Federacije Bosne i Hercegovine za 2025. godinu Federalnom ministarstvu finansija - Federalnom ministarstvu financija s ekonomskog koda "Kapitalni transferi drugim nivoima vlasti i fondovima - kantoni i općine" ("Službene novine Federacije BiH", broj: 95/25) i zaključenim ugovorom o dodjeli i korištenju sredstava.

Sredstva koja budu doznačena od viših nivoa vlasti koristit će se u visini i za namjene utvrđene odlukama viših nivoa vlasti.

Član 43.

(Korištenje sredstava na razdjelu 62)

Sredstva utvrđena na organizacionom kodu 62010001 - Služba za opću upravu i mjesne zajednice, ekonomski kod 613900, budžetska pozicija "Naknada za rad predstavnika MZ", koristit će se u skladu sa Odlukom o utvrđivanju naknade u vezi sa radom i angažmanom u savjetima mjesnih zajednica, koju usvaja Gradsko vijeće.

Član 44.

(Korištenje sredstava na razdjelu 70)

Sredstva utvrđena na organizacionom kodu 70010001 - Služba za komunalne djelatnosti, u grupi "Posebne namjene", na ekonomskim kodovima 613300, 613700 i 613900 koristit će se u skladu sa ugovorima zaključenim sa komunalnim preduzećima koja provode određene komunalne usluge.

Sredstva predviđena na ekonomskom kodu 614400, pozicija "Izdaci za finansiranje rada JP ZENICAGAS d.o.o. Zenica", koristit će se u skladu sa Odlukom o osnivanju JP "ZENICAGAS" d.o.o. Zenica, broj: 01-01-6069/18 od 13.03.2018. godine ("Službene novine Grada Zenica", broj 3/18), koju je donijelo Gradsko vijeće, Planom poslovanja za 2026. godinu JP "ZENICAGAS" d.o.o. Zenica, te zaključkom Gradonačelnika i nalogom resorne Službe.

Sredstva predviđena na ekonomskom kodu 615400, pozicija "Transfer RD Mošćanica d.o.o. Zenica - anuitet za realizaciju projekta sanacije deponije Siđe", realizuju se u skladu sa Sporazumom o supsidijarnom kreditu o prenosu kreditnih sredstava po Drugom Projektu upravljanja čvrstim otpadom finansiranom od strane Svjetske banke – Međunarodne banke za obnovu i razvoj (IBRD) 7629 – BOS, između Federacije Bosne i Hercegovine koju zastupa Federalno ministarstvo finansija – financija i Privrednog društva "Regionalna deponija Mošćanica" d.o.o. Zenica, broj: 04-14-2756/08 od 21.10.2009. godine, zatim Ugovorom zaključenim između Općine Zenica i Privrednim društvom "Regionalna deponija Mošćanica" d.o.o. Zenica, broj: 02-14-5664/11 od 15.03.2011. godine, kao i planom otplate.

Sredstva predviđena na ekonomskom kodu 615400, pozicija "Transfer JP ZENICAGAS d.o.o. Zenica - izgradnja distributivne gasne mreže, ICT infrastrukture i izrada tehničke dokumentacije" realizovat će se u na osnovu Odluke o osnivanju JP "ZENICAGAS" d.o.o. Zenica, broj: 01-01-6069/18 od 13.03.2018. godine, ("Službene novine Grada Zenica", broj 3/18), Plana poslovanja za 2026. godinu JP "ZENICAGAS" d.o.o. Zenica, te zaključka Gradonačelnika i naloga resorne Službe.

Sredstva koja budu doznačena od viših nivoa vlasti koristit će se u visini i za namjene utvrđene odlukama viših nivoa vlasti.

Sredstva Fonda za zaštitu okoliša FBiH planirana na ekonomskim kodovima 613300, 613600, 613700, 613900, 614300, 821200 i 821600, koristit će se u skladu sa odredbama Zakona o Fondu za zaštitu okoliša FBiH ("Službene novine FBiH", broj: 33/03).

Član 45.

(Korištenje sredstava na razdjelu 71)

Sredstva utvrđena na organizacionom kodu 71010001 - Služba za razvoj, ekonomski kod 613900, pozicija "Realizacija projekata Evropski program Horizon 2020 (proGlg) i Interreg Dunavski transnacionalni program (Agora) - međunarodna organizacija, sa neutrošenim sredstvima iz prethodne godine" realizovat će se u okviru doznačenih sredstava za namjene utvrđene EU programima.

Sredstva predviđena na ekonomskom kodu 613900, pozicija "Učešće u finansiranju projekata (Strategija razvoja, IPA, CBC, MED i dr.)" planiraju se za projekte koje tokom godine raspisuju viši nivoi vlasti, međunarodne organizacije i programi Evropske unije, a na koje aplicira Grad Zenica, s obzirom da isti u svojim aplikacijama zahtijevaju planirana sredstva kao obavezno učešće Grada u sufinansiranju projekata.

Sredstva predviđena na ekonomskom kodu 614400 pozicija "Transferi Agenciji ZEDA za podsticaj razvoja preduzetništva i obrta – finansiranje projekata" i pozicija "Transfer Agenciji ZEDA za podsticaj razvoja preduzetništva i obrta - projekat zapošljavanja pripravnika", koriste se po programima i projektima Agencije ZEDA, na koje mišljenje daje Služba za razvoj uz saglasnost Gradonačelnika.

Sredstva predviđena na ekonomskom kodu 821300, pozicija "Nabavka opreme po projektu Podrška EU lokalnim partnerstvima za zapošljavanje Faza II – ILO (neutrošena sredstva u prethodnoj godini)", realizovat će se u okviru doznačenih sredstava za namjene utvrđene navedenim Projektom.

Sredstva predviđena na ekonomskom kodu 821600, pozicija "Izgradnja, rekonstrukcija i investiciono održavanje poslovnih zona (Zenica 1 i Zenica-jug)" koristit će se po nalogu resorne Službe, a na osnovu ugovora potpisanog između Gradonačelnika i izvođača radova, nakon provedenog postupka javnih nabavki, te dostavljenim ovjerenim privremenim situacijama/fakturama.

Član 46

(Korištenje sredstava na razdjelu 72)

Sredstva utvrđena na organizacionom kodu 72010001 - Služba za kulturu, sport i društvene djelatnosti, ekonomski kod 614300, budžetske pozicije u grupi "Tekući transferi", vršit će se na

osnovu zaključaka Gradonačelnika, potpisanih sporazuma i ugovora, te naloga resorne Službe. Korisnici sredstava po osnovu doznačenih tekućih transfera obavezni su po završetku projekta, izvijestiti nadležnu gradsku Službu o iskorištenim sredstvima i dostaviti izvještaj o utrošku istih.

Sredstva utvrđena na ekonomskom kodu 614300, pozicija "Izmirenje poreznog duga NK Čelik Zenica po zaključenom Sporazumu - reprogram", koristit će se u skladu sa Sporazumom o plaćanju dužnih javnih prihoda u ratama, broj: 13/10-12-27-1686/20 M.S. od 08.01.2021. godine, zaključenim između Porezne uprave Federacije BiH Sarajevo i Nogometnog kluba "Čelik" Zenica, a u vezi sa Zaključkom Gradskog vijeća Zenica, broj: 01-45-17038/20 od 20.08.2020. godine. Grad će plaćati rate dužnih javnih prihoda u skladu sa dinamikom i rokovima predviđenim u članu 1. navedenog Sporazuma, sve dok porezni obveznik NK Čelik Zenica redovno izmiruje tekuće obaveze po osnovu javnih prihoda, nastale poslije zaključivanja predmetnog Sporazuma, za što je obavezan dostaviti dokaz iz Porezne uprave. U slučaju neizmirenja tekućih obaveza po osnovu javnih prihoda, od strane NK Čelik Zenica, Grad Zenica će obustaviti realizaciju Sporazuma o saradnji, broj: 02-45-22621/20 od 12.11.2020. godine, zaključenog između Grada Zenica i Udruženja građana NK Čelik Zenica.

Sredstva utvrđena na ekonomskom kodu 614400 - tekući transferi javnim preduzećima doznačavaju se kao bespovratna sredstva na ime sufinansiranja djelatnosti javnih preduzeća, u vidu pomoći za podsticaj i razvoj istih. Doznaka planiranih sredstava vrši se mjesečno, u paušalnom iznosu, a na osnovu zaključaka Gradonačelnika i naloga resorne Službe.

Sredstva predviđena na ekonomskom kodu 614500 - transferi privatnim preduzećima i preduzetnicima, doznačavat će se privatnom partneru u javno-privatnom partnerstvu, za sufinansiranje rada dežurne apoteke, i to mjesečno, u paušalnom iznosu, a na osnovu zaključaka Gradonačelnika i naloga resorne Službe.

Korisnici sredstava po osnovu doznačenih tekućih i kapitalnih transfera obavezni su po završetku projekta, izvijestiti nadležnu gradsku Službu o iskorištenim sredstvima i dostaviti izvještaj o utrošku istih.

Realizacija sredstava utvrđenih na ekonomskom kodu 615300 i 615400, pozicije u grupi "Kapitalni transferi" vršit će se na osnovu zaključaka Gradonačelnika i naloga resorne Službe.

Korisnici sredstava po osnovu doznačenih tekućih i kapitalnih transfera obavezni su po završetku projekta, izvijestiti nadležnu gradsku Službu o iskorištenim sredstvima i dostaviti izvještaj o utrošku istih.

Sredstva planirana iz prihoda Grada Zenica, kao i sredstva doznačena od viših nivoa vlasti, a utvrđena na ekonomskom kodu 821200 i 821600, pozicije u grupi "Nabavka građevina" i grupi "Rekonstrukcija i investiciono održavanje", koristit će se na osnovu ugovora sa izvođačem radova i faktura ili situacija prethodno ovjerenih od strane nadzornog organa, te naloga resorne Službe.

Sredstva na navedenim pozicijama koristit će se i na osnovu potpisanih sporazuma sa subjektima koji provode postupke nabavke izvođača radova za zajedničke projekte, a na osnovu potpisanih tripartitnih ugovora sa izvođačem radova i faktura ili situacija, te naloga resorne Službe.

Sredstva koja budu doznačena od Kantona na ovaj organizacioni kod, ekonomski kod 614200 koristit će se u visini i za namjene za koje su i doznačena.

Član 47.
(Korištenje sredstava na razdjelu 73)

Sredstva utvrđena na organizacionom kodu 73010001 - Služba za zajedničke poslove, ekonomski kod 821300, pozicija "Nabavka opreme za budžetske korisnike", koristit će se u skladu sa Planom javnih nabavki Grada Zenica.

IV ZADUŽIVANJE I UPRAVLJANJE DUGOM

Član 48.
(Dug Grada)

Dug grada predstavlja apsolutnu i безусловnu obavezu grada u skladu sa uslovima definiranim ugovorom o kreditu, zajmu, finansijskom lizingu i propisima o emisiji vrijednosnih papira, te drugim aktom kojim je grad preuzeo dug drugog pravnog lica kao svoj javni dug.

Grad Zenica može se zadužiti u svrhe, na način, u obimu i pod uslovima utvrđenim odredbama Zakona o dugu, zaduživanju i garancijama u Federaciji BiH ("Službene novine FBiH", broj 45/25) i odredbama Zakona o budžetima u Federaciji BiH.

O visini i svrsi zaduženja Grada koje može nastati u toku godine odlučuje Gradsko vijeće.

Član 49.
(Gornja granica ukupnog duga i izdavanja garancija)

U skladu sa članom 76. Zakona o dugu, zaduživanju i garancijama u Federaciji BiH, ukupan dug grada, uključujući i neotplaćeni garantirani dug koji nije uključen u ukupan dug grada može iznositi najviše do dvostrukog iznosa prosječnih redovnih prihoda budžeta grada ostvarenih u posljednje tri fiskalne godine.

Grad se može zadužiti ili izdati garanciju u okvirima ukupnih ograničenja iz prethodnog stava ovog člana ukoliko u vrijeme odobrenja zaduženja ili izdavanja garancije iznos servisiranja duga i potencijalnog duga koji dospijeva u svakoj narednoj godini, uključujući i servisiranje za predloženo novo zaduženje ili izdavanje garancije ne prelazi 20% prosječnih redovnih prihoda grada ostvarenih u posljednje tri fiskalne godine.

U okviru ograničenja iz 2. stava ovog člana iznos servisiranja duga koji je alociran ili se alocira na budžet grada može iznositi najviše do 15% prosječnih redovnih prihoda grada ostvarenih u posljednje tri fiskalne godine.

Ukoliko je garancija izdata u skladu sa Zakonom o dugu, zaduživanju i garancijama u Federaciji BiH ili zakonom koji je bio na snazi u vrijeme izdavanja garancije, zaduženje nastalo zbog plaćanja takve garancije nije predmet ograničenja zaduženja iz 3. stava ovog člana.

Član 50.

Obaveze iz osnova tekućih otplata duga u 2026. godini, po osnovu vanjskog i unutrašnjeg duga, prema otplatnim planovima kreditora, planirane su u ukupnom iznosu od 3.746.000,00 KM.

V ZAVRŠNE ODREDBE

Član 51. (Primjena zakona)

Na sva pitanja koja nisu regulisana ovom Odlukom, a tiču se izvršavanja Budžeta, zaduživanja, duga, računovodstva, nadzora i revizije Budžeta primjenjivat će se odredbe važećih zakona.

Član 52. (Stupanje na snagu)

Ova Odluka stupa na snagu danom donošenja i objavit će se u "Službenim novinama Grada Zenica", a primjenjivat će se za fiskalnu 2026. godinu.

Broj:
Zenica,

**PREDSJEDAVAJUĆA
GRADSKOG VIJEĆA ZENICA**

Snježana Vrhovac

**OBRAZLOŽENJE
UZ ODLUKU O IZVRŠAVANJU
BUDŽETA GRADA ZENICA ZA 2026. GODINU**

I PRAVNI OSNOV

Pravni osnov za donošenje ove Odluke sadržan je u odredbama Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25).

II OBRAZLOŽENJE POJEDINIH RJEŠENJA

Na 14. sjednici Gradskog vijeća Zenica, održanoj dana 05.12.2025. godine, utvrđeni su Nacrt Budžeta Grada Zenica za 2026. godinu i Nacrt Odluke o izvršavanju Budžeta za 2026. godinu, te su isti upućeni na javnu raspravu u trajanju od 10 dana od dana održavanja sjednice Gradskog vijeća, odnosno zaključno sa 15.12.2025. godine. Na Nacrt Odluke o izvršavanju Budžeta za 2026. godinu u periodu javne rasprave nije dostavljen nijedan prijedlog, primjedba ili sugestija.

Odredbama ove Odluke uređuje se način izvršavanja Budžeta Grada Zenica za 2026. godinu, a u skladu sa odredbama Zakona o budžetima u Federaciji Bosne i Hercegovine.

Ovom Odlukom propisana je obaveza budžetskih korisnika za blagovremeno mjesečno planiranje izdataka, obezbjeđenje validne dokumentacije i mogućeg stvaranja obaveza do visine sredstava utvrđene na odgovarajućem organizacionom kodu i za naznačenu namjenu.

III FINANSIJSKA SREDSTVA

Za realizaciju ove Odluke nisu potrebna finansijska sredstva.

Imajući u vidu navedeno, predlažemo Gradskom vijeću Zenica da usvoji Odluku o izvršavanju Budžeta Grada Zenica za 2026. godinu u dostavljenoj formi.

SLUŽBA ZA FINANSIJE